

janúar 1984

Eins og kunnugt er hefur ekkert eiginlegt kvennahús verið starfrækt hér í Reykjavík. Kvennahús hafa hins vegar tiðkast viða í nágrannalöndum okkar um alllangt skeið. Þó má segja að visir að kvennahúsi hafi verið hér á Hótel Vík þar sem Kvennaframboðið hefur haft húsið á leigu s.l. tvö ár auk þess sem Kvennalistinn hefur verið hér s.l. hálfþ ár.

Nú er ætlunin að breyta starfseminni þannig, að Hótel Vík verði alhliða kvennahús og verði opið til afnota öllum konum sem vinna að máleznum kvenna. Um rekstur hússins sér hússtjórn, sem skipuð verður fulltrúum þeirra hópa sem fast aðsetur hafa í húsinu.

Sú starfsemi, sem þegar er ákveðið að verði í húsinu, er eftirfarandi:

Kvennaframboðið í Reykjavík hefur hér skrifstofu sín, starfsmaður þess er við frá 13-17 alla virka daga. Fastir liðir í starfsemi Kvennaframboðsins eru m.a. félagsfundir 1. laugardag hvers mánaðar og borgarmálafundir á mánudagskvöldum. Sími Kvennaframboðsins er 21500.

VERA, blað Kvennaframboðs verður hér til húsa, en VERA er vandað tímarit sem kemur út u.p.b. 6 sinnum á ári og fjallar vitt og breytt um málezni kvenna. Sími VERU er 21500 og 22188.

Samtök um kvennalista reka hér skrifstofu sín og er starfsmaður þeirra við frá 14-18 alla virka daga. Fastir liðir í starfsemi Kvennalistans eru m.a. vikulegir fundir þingráðs og framkvæmdaráðs, sem eru opnir. Sími Kvennalista er 13725.

Aframhaldsstofnfundi Samtaka kvenna á vinnumarkaðinum var samþykkt að fast aðsetur samtakanna yrði í Kvennahúsinu. Markmið samtakanna er fyrst og fremst að vinna að bættum hagkvenna á vinnumarkaðinum. Innan samtakanna eru starfandi hópar um hin ýmsu málezni. Allar nánari upplýsingar um þá fást hér í Kvennahúsinu.

Menningar- og friðarsamtök íslenskra kvenna verða hér með fast aðsetur, en þau samtök voru stofnuð 1951 og markmið þeirra er m.a. að vinna að alheimsfriði og afvopnun.

Kvennaráðgjöf verður starfrækt í Kvennahúsinu einu sinni í viku, á þriðjudagskvöldum frá 8 til 10 og hefst hún 7. feb. n.k. Hér er um að ræða bæði félagslega og lagalega ráðgjöf fyrir konur. Að þessari ráðgjöf standa um 20 konur, einkum félagsráðgjafar og lögfræðingar. Konur geta komið, skrifað eða hringt. Heimilisfangið er Kvennaráðgjöfin, Kvennahúsinu, ~~Vatnsmástræti~~ 4, 101 Reykjavík og síminn er 21500. Ráðgjöfin er konum að kostnaðarlausu.

4. febrúar n.k. verður kvennasamkoma hér í Kvennahúsinu þar sem ætlunin er að konur komi saman og ræði áhugamál sín og síðan geti þær sem áhuga hafa stofnað hópa um hin einstöku málefni sem þeim eru hugstæð auk þess sem ætlunin er að hefja umræður um kvennapólitík og hugmyndafræðina að baki henni.

Ýmsar hugmyndir hafa komið fram um starfsemi hússins. Má þar nefna "bókakaffi", þar sem konur geta litið við, fengið sér kaffisopa og gluggað í blöð og bækur. Einnig virðist mikill áhugi fyrir hendi á stofnun kvennabókaútgáfu. En allar hugmyndir eru vel þegnar og viljum við hvetja konur til að koma hugmyndum sínum á framfæri til okkar.